

近代中國史料叢刊第九十五輯
沈雲龍主編

眠琴閣遺

詩文

何慶涵著

文海出版社有限公司印行

W 7224/100

眠琴閣遺文

道州 何慶涵 伯源

陶密菴先生書經冊臆攷跋

此新化鄧湘泉學博跋李季眉丈藏密菴先生書金經冊語也經字大約四分許以獄中本比較如經前佛像及啟請真言發願梵偈諸文此本皆無之後款云密菴居士汝孺書於西谿雲悅堂時年七十未繫年月亦無跋語經首行下有朱文密菴法喜圓印一末行下有白文陶印汝孺朱文密菴方印各一其書意趣逋峭獄中本骨格堅凝兩本各臻妙境

鄧跋所稱密菴自訂年譜未之見檢先生榮木堂詩續集卷五有庚申年八十自壽詩三十首即大庚申爲國朝康熙十九年溯先生之生當在前明萬曆二十九年辛丑小字金經書於

癸巳爲順治十年先生年當五十三其七十歲所書經冊當又
後此十七年鄧跋謂癸巳先生年五十二又以七十歲書冊後
獄中本十八年皆據生於壬寅推之與辛丑生不合大蓋歌有
摹刻石本未得筆妙傳拓亦少

又按先生有庚子冬六旬自壽用口翁韻詩詩前集卷八庚戌有七

十初度自壽詩詩續集卷四合之庚申八十自壽大蓋歌詩續集卷五以

及瀉山雪會記文集卷七有今年十月晦爲密菴六表云云皆生於

辛丑之證然據先生褐玉堂詩自序文集卷二謂乙卯冬予年十四

又似以壬寅生是非見先生自訂年譜無由核其實矣

先生文集卷九有自書金剛經跋語二首其一書寄雲外禪師

無年月一卽此小冊冊後有先生甲午順治十一年秋跋云去年被

繫早夜持大悲咒正是癸巳在獄之時又云用亂石支扉板傷

折書之得三部此其小帙語意與集合惟獄中寫經三部其二部未知有無題記而此冊字小且精當是先生心賞之蹟故書後以志之且自信得力於忍辱也鄉賢遺翰片楮足珍矧茲精楷數千首未無一懈筆經歷百四十年歸然無恙益知先生精神所結自有不可磨滅者豈非藝林至寶哉道光己酉秋道州何慶涵獲於甯鄉漱松崔氏並假李季眉丈藏本對觀欣喜記此

李季眉丈所藏先生七十歲書金經冊於道光己酉寓目後卽北行入都越二十六年至同治十三年甲戌自吳門歸湘其時丈已謝世復從嗣君君約借觀則云丈以偶值匱乏舉所收書畫悉以易米陶字冊不知流轉何處矣爲之憮然光緒己丑花生日再記

五音韻譜後記

徐鼎臣校定說文前人所見宋槧皆小字也毛子晉得北宋本嫌字小易以大字重雕盛行於世李氏五音韻譜篆文注文字更大於毛書段懋堂謂毛刻仿趙靈均大字鈔本或趙鈔用此板式亦未可知李譜取許書五百四十部之目分隸四聲不依始一終亥原次而仍其說解音切使讀者按偏旁以求聲循聲而索字應手卽得至爲簡捷序表中遇慎字皆注御名而卷端題曰重葉非宋孝宗時依舊本翻雕卽明人仿宋版覆錢要之分韻易檢尋字大便觀覽楮墨俱舊古香襲人在今頗不多觀書向藏五叔父自娛山房去年季屏弟以質於人余適覩此乃以它物易歸今存余齋光緒十五年己丑仲冬月三日伯源記此書原有巽巖前後自序兩篇刻本未載誤緣馬氏文獻通考

系此兩序於徐鍇繫傳條下未標出李書之序世遂多不知巖此譜矣明萬曆戊戌陳大科刻說文解字卽李譜也乃削去五音韻譜書名開卷輒以許氏自序許冲上書標目似於始東終甲之指茫然未省直何作鼎臣所校权重原書不亦異乎又南京謝蘇潭中丞啟昆小學考有五音韻譜載李巽巖兩序並附說一條應補鈔以完舊觀

朱刻說文跋

朱竹君學士此刻依毛氏刻改五次以後之本蓋其時行世說文止有毛刻一種故人以藏弄爲榮不知有初印後印之異也金壇段懋堂見毛斧季第五次校改原本始知毛氏初印多同宋本後依小徐節次改補訛謬見然初印至爲難得卽第五次改本坊間亦不常遇朱刻初出盛行自有孫氏平津館小字

刻本朱本聲價遂減至今翻刻孫本者數家以粵東陳氏一篆
一行本爲最便云

錄程春海司農北湖懷古詩後跋

郴州又魚亭有韓昌黎先生祠道光閒新安程春海少司農以
學使按臨曾作北湖懷古詩刻祠中後毀於寇葵心陳丈人嘗
乞先君子補寫司農原詩將謀勒石會先君子東游未及爲旋
卽謝世先是筠心吏部丈有和少農原韻一篇爲先君子書冊
丹階郡博曾借鈎刻今葵心丈命慶涵重書此詩將並筠心丈
和作同置祠內以永其傳不揣拙劣檢程集刻本依寫一通庶
存先達之風雅父執之交情弗替云時光緒十一年乙酉冬至
前五日道州何慶涵過錄并記

湘陰李公暉安傳

公諱 字元圃亦字暉安又號聽彝居士湖南湘陰人曾祖逢
順祖發越考生崧皆潛德弗耀生崧公生子二公次居仲幼謹
愿無子弟之過讀書過目成誦初爲帖藝卽警闢驚其長老逾
冠游庠肄業邑中仰高書院及會垣嶽麓書院院長棣樓彭公
坦齋歐陽公伊輔丁公皆器賞之文譽日起顧久困棘闈十試
六薦不獲雋而年已五十矣家故貧授徒自給以堂上春秋高
子姓蕃衍事畜維艱乃出而應聘謀佐家計最後襄理龍陽縣
榷局十年恤商裕饜公正廉平頌聲溢遠邇家居則葺家廟修
支譜暨義塾文社之隳廢戚儔朋舊之待以舉火者皆黽勉而
周恤之或訝其力有餘也則曰必待有力而後舉事濟人將奢
願何日償耶與人交無城府有時面規人過和氣婉言人咸感
悟於書無所不觀手不釋卷兼習青烏珞琭姑布諸家言試之

輒驗書法則出入歐顏臨摹不倦求書者日眾未嘗率筆應之
平日善攝生用是精力彊固老而不衰卒之前月猶徧謁祖塋
登山若履平地摒擋家政至彌留神志湛然殆深於去來者歟
以光緒七年辛巳五月初六日午時卒享壽七十有一湘陰縣
學附貢生加同知銜候選知縣以子星科官鹽課司提舉銜浙
江候補通判加四級封公爲中議大夫配黃氏繼配周氏皆淑
人子四人其名星科字潤生者余所習也女三皆適士族孫男
女各十昔公從孫黼堂方伯之藩江右也軍事方殷簿書旁午
公在署襄事數載口不言勞黼堂旋奉督師陝南之
命道遠四五千里裹糧轉戰履危蹈險視江西艱苦數倍一時
賓從星散公獨慷慨同行黼堂以道病得請回籍雖事功未竟
而公之忠難與同夷險一致其風誼實無媿古人聞者當莫不

興起也

何慶涵曰涵於李氏爲門壻曩於芋園常侍公談飲見公謙和
伉爽貌可親而言動可法後延公子潤生爲兒子蒙師昕夕談
藝訓課殷勤童穉多有領悟潤生亦能書有古法爲涵書小楷
白摺尙藏篋中後以宦浙遂遠別雖有時歸里而相見甚希公
卒後黼堂已爲誌其墓余不揣庸陋復綜厥生平爲之傳得無
贅乎

先府君墓表

府君諱紹基字子貞晚號煖叟世爲道州人大父文安公長子
與仲叔父子毅府君孿生嘉慶辛酉文安公以拔萃科入都大
母廖夫人攜府君暨仲叔兩叔父育於西鄉小坪舅氏家丙寅
隨侍大父母至都文安公教之讀府君幼慧能文長老驚若成

人丙子應京兆試取謄錄道光丙戌補諸生戊子補廩膳生辛卯取優貢生學使程春海邵丹畦兩先生皆以國士目之乙未恩科主試吳晴舫王春綬兩先生以府君後場精博拔置第一丙申恩科成進士廷對策爲長文襄阮文達兩相國所激賞已置大魁因語疵抑落二甲第八名改庶吉士戊戌散館一等授編修歷充文淵閣校理國史館協修纂修總纂提調武英殿協修纂修總纂本衙門撰文教習庶吉士己亥癸卯丁未大考皆二等兩次蒙賜文綺歷典福建貴州廣東鄉試甄拔多瑰才咸豐壬子七月經侍郎張文毅公保舉文宗顯皇帝召見垂詢家世外於經史詩文書法及道州被寇情事溫語諮諏靡不曲至八月授四川學政復蒙

召對晷移六刻始出時雨涂廖夫人服未與考蓋

特簡也到任後整頓試事外極嚴而內處以寬士皆畏悅按部所至於南江縣鄭懷江冤獄河東土司安安氏安平康母子爭襲各案皆據所聞見入告 欽使來川查辦悉如所議平反辦結府君既感激

知遇又以恭報到任摺內奉有地方一切情形隨時訪察具奏殊諭故不避權貴據實直陳忌之者遂構蜚語相排擠卒以條陳時事鐫秩府君夷然不介於懷去蜀後縱游名山勝地以詩酒簪述爲樂凡主講山東灤源書院三年長沙城南書院八年虛公勤懇士論推服同治己巳冬薄游皖城庚午春至吳門時適吳氏女隨壻侍母在蘇相見歡甚復經相國曾文正公中丞丁雨生先生延主蘇州揚州書局校葉大字十三經注疏浙江

楊石泉中丞亦聘主孝廉堂講府君往來吳越觴詠留連意興頗適府君體氣豐碩稟賦過人豪飲健游青鞵布鞞倘佯山水閒人不知爲貴公子生平於諸經說文攷訂之學用功最深文章師法馬班昌黎詩宗李杜韓蘇諸大家書法溯源篆分下逮率更父子魯公北海東坡神明眾法自成一體旁及金石圖畫摹印測算博綜覃思實事求是所著東洲艸堂詩集三十卷已付槧其古文時文雜箸寫定未刻而府君不及待矣府君五十五歲後每苦呃逆時作時愈辛未壬申呃作頗劇然精神眠食未減也癸酉七月初旬忽患痢下晝夜數十起元氣驟虧至二十日丑時遽告終於蘇州省廡嗚呼痛哉距生於嘉慶己未年十一月二月初五日寅時享壽七十有五歲配吾母陶夫人於道光戊申年先卒側室王氏王氏陳氏子一慶涵咸豐戊午科舉人刑

部郎中女四長次陶夫人出幼殤三適仁和編修吳觀禮四殤
皆側室出孫七維樸同治丁卯科副貢生內閣中書維楮庠生
維棣同治癸酉科舉人維榮維標維餘維植孫女二長殤次幼
以甲戌年十二月十九日申時奉府君匱安葬於善化縣南鄉
八都石人衝內苦竹坡之原巽山乾向於是距府君之卒十有
七月矣嗚呼痛哉男慶涵泣表

祭元配李恭人文

嗚呼恭人胡竟云歿春仲染疴沈綿數月子病雖久未淹牀榻
子體雖羸神明朗澈投藥百餘延醫七八尙冀調攝胸膈開豁
或保無虞疾厄可脫豈意中虛變生倉卒七月八日神散氣蹶
遂至彌留死生契闊上堂一棺香煙秘醮摧我心肝眼枯淚竭
黯淡枕衾寂寥房闔遺挂依然容顏永訣憶歲戊戌與子結褵

春明隨宦同侍重闈重闈喜謂佳婦佳兒子耽吟詠浣月清詞
我亦效顰並几構思堂上聞之時亦解頤誕育子女吟事漸稀
後隨吾父蜀道逶迤關中歷下吳會湘湄攜持羣穉到處相隨
子年四十吾父賜詩謂兒有福竟得賢妻中年多故人事參差
兩家父母各失瞻依連枝弱息死喪頻悲兼庇家政一粟一絲
緩急待理巨細靡遺賴子心血調劑咸宜心血幾何百端紛糾
多哭傷神焦思損壽辛苦持家自卯至酉推溼就燥纖悉不苟
兒多長大亦有子婦或逐科名或縮印綬膝下遠離任難分負
子慣操作勞忘手口我叨講席問年盈九飢食寒衣增減薄厚
賴有子存予求予取靡弗稱心過分消受消受無福夢驚吹白
四十六年往事可剖內助失人惟予之咎觸緒悲來不堪回首
烏乎子歸何遽子去何方幼齡卅語卅六年光甲寅在蜀我心

傍惶病而不死轉益健康卜語不驗壽或延長今逾周甲五歲而強增齒卅年天神降祥子死無憾我情難忘衰年喪偶顧影淒涼榮兒輩呼搶心傷朝夕哭奠勸解無方候逢五七烏兔奔忙爲子治第居室廳堂倉廩庖湏園圃池塘章身適體首飾衣裳精粗畢備僮婢成行諸物象形是曰明器楮幣盈筐服物在笥子靈有知一一檢記昨日五兒下鄉覓地冀獲佳壤以藏母榘大兒將歸十年別思入門失母能無痛淚二兒仕閩遊歸不易聞訃奔喪悲深失恃念茲情況痛如針刺烏乎恭人長辭人世死者如歸生者亦寄萬感交縈九原終闕子也冥路逍遙無挂無累或一憶塊然之老鰥與侍疾之諸穉乘風清月白之宵而來晤語於夢寐也乎哀哉尙饗

元配李恭人家奠文

烏乎恭人之歿三月於茲矣寒雨警夕霜風送秋感時序之推
遷歎逝者之不作益以子婦環泣聞聲觸悲塊然獨居輒思述
恭人之生平以寄余痛兼示兒輩而執筆神傷欲言之而不能
盡欲不言而又烏能自己也悲夫憶戊戌之秋恭人來歸大父
母皆在堂吾母及諸叔母晨夕侍膳恭人恪恭愉婉屏息隨其
後聞手製蔬肴以進大父母必喜爲加餐吾母夙有胃疾又手
患風痺恭人調護起居惟恐不當意吾母見背大母年過八旬
恭人哀毀之餘時忍淚以承重闈歡大母傷足不良於行恭人
扶持抑搔左右護視不少離大母彌留時執其手曰汝誠賢孝
吾願汝多福多男耳烏乎三十餘年言猶在耳時止一大兒維
樸甫七歲也吾父視學西川僑居厯下久始歸湘恭人皆隨侍
當四十初度吾父賜詩稱其賢故家政一委之恭人米鹽瑣屑

區畫井井自維家世隆貴思以勤儉型後人辨色而起夜分始
息燈下縫紉聲琅琅家居布衣不御綺縠一裘一飾猶嫁時
物也烏乎其可傷哉自吾父棄養余竭蹶營葬逋負山積洎主
講席脩脯不贍家計有無賴恭人拮据屏當節衣縮食以供賓
祀遇窘乏輒質釧珥應之不令余知家人食指數百尺布寸絲
罔不稱量如意勤恤戚黨惠周臧獲歿之日親串婢媪來弔者
皆哭失聲其所感者深也烏乎可不謂賢哉然數十年來雖口
不言勞而心血瘁矣傷哉恭人自于歸後未嘗歸母家庚申返
湘始獲與家人見其時仲雲兄弟年皆壯盛家庭和樂所居芋
園風景幽異恭人時肩輿省弟顧而樂之乃自仲雲殂謝雲衣
繼逝黼堂近復失明其餘期功之喪頻年疊見而次三兩媳亦
以戊寅夏閒先後怛化懷抱淒鬱痛淚連番積勞之躬尙何堪

此貞疾之由其以是乎傷哉恭人少耽吟詠濡染外舅外姑之
教亦有詩藁數卷嗣後誕育子女遂置而不作憶壬寅春僑寓
金陵每夕吾父命題恭人與予及從弟遠甫作詩其几案句恭
人先成吾父謂其語出性靈優於天事至今四十二年此景此
情歷歷在目而俛仰之間已爲陳迹余亦皤然衰矣恭人少時
桂弱善病痰疾閒歲輒發四十歲後乃痊體氣轉強健勿藥者
二十年居湘既久溼氣侵尋近覺足力蹇滯然操作未嘗少休
今春二月忽咯血藥之少愈而脾胃頓衰竟日不思食漸至中
焦飽滿腰膂作脹醫者謂血氣並耗關鬲不通諸藥雜投疾終
不減六月後神日頹氣日餒語音微細粒米不進至七月八日
乃奄然長逝矣痛哉余素患耳閉至是更不聞聲三四月來除
間疾外不能多言彌留之頃似言我去者再烏乎其果生有自

來死有所歸者耶余與恭人四十六年伉儷之篤胡不我待而中道訣別耶以恭人秉德之全型家之善宜獲享大年備諸福而竟辛勤勞苦作婦數十年曾未得享一日安閒之福謂天道其有知耶其無知耶聞幼時闈中迎紫姑神謂是蓬萊仙子小謫人閒三十六年屆時當在峨眉相待逮咸豐甲寅適隨侍在蜀余竊憂之幸不驗烏乎此三十年之日月其果陰德所致耶胡蒼蒼者又不多假數年俾享兒輩一日之養以慰其勞耶自恭人歿家事紛錯無人經紀余憊且重聽尙堪以瑣瑣者攪心而致疾耶大兒官中書十一年未能歸省聞恭人病篤始攜其妻子蹙蹙以歸乃入門不能見母次兒遠在閩嶠尙無歸期恭人又胡不少留數月而使三子一面耶三兒四兒各育子女五兒亦成立餘子穉弱一女未笄恭人在地下其亦念之而淒然

不舍耶烏乎茫茫泉路無處招魂了了浮生何殊大夢余令兒輩治壙留左畔一穴以待合窆余將與恭人生死相依恭人其許之否耶茲以本月七日寅時卜葬恭人於善化八都泉衝盤獅坡寅首申趾山迴水互形勢環拱其土氣溫而質潤庶可藏體魄而保吉康乎余心摧淚盡不能覩縷九原有知尙其來格

元配李恭人墓表

恭人姓李氏諱楣字月裳一字桂生長沙府湘陰縣人李氏爲湘陰巨戴世有隱德恭人曾祖玉屏公諱世亮祖壽田公諱疇嘉慶甲子優貢桂東縣訓導父石梧公官太子太保兩江總督廣西 欽差大臣諡文恭恭人文恭公長女也文恭公與吾父資政公少以學行相習道光癸巳文恭公官編修在京余時年十三文恭公每來書塾令余背誦左傳謂吾父曰此子記性好

性沈潛可爲吾壻浼陳堯農丈勞文毅公執柯訂姻盟焉戊戌八月迎娶時大父母皆在堂見孫婦入門喜謂吾父母曰新婦有福相吾孫得佳耦矣大父母晨夕膳吾母及諸叔母必侍側恭人初來屏息隨其後閒或手製蔬肴以進大父母輒喜爲加餐暇則侍吾母談說家常恪恭愉婉不命之坐不敢坐吾母夙有胃疾又手患風痺不能持物恭人調護起居惟恐不當意戊申吾母見背大母廖夫人年過八旬恭人哀毀之餘時忍淚以慰大母心大母病足不夏於行扶持抑搔先意承志恆得其歡大母彌留時執恭人手曰汝誠賢孝吾願汝多福多男耳時止一曾孫維樸甫七歲也恭人自幼明慧警悟外舅文恭公外姑郭夫人皆以詩名刻有梧筌聯吟集恭人孺染家學亦有浣月樓詩稿數卷憶壬寅春僑寓金陵釣魚臺錢氏寓園每夜吾父

命題令恭人與子及從弟遠甫作詩共几索句寫呈吾父評改
每謂恭人語出性靈筆意超雋得於天分非關學力嗣後誕生
子女吟事亦漸希矣恭人性情伉爽識見正大遇疑難事數言
立剖吾父視學四川僑居秦中掌教歷下吳門回湘後主講城
南書院恭人皆隨侍庇家政米鹽瑣屑區畫井井吾父豪於飲
晚年飲興差減客來談讌恭人必揣吾父平日所嗜肴饌進以
侑觴客皆贊其精妙戊午恭人四十歲生日吾父賜詩有爲汝
做生忘我老吾兒有福得妻賢之句蓋垂愛有素也居常謂母
家夫家皆尙書門第爲人婦者當以勤儉型家方能載福故平
時黎明卽起盥櫛至祖先堂叩香畢乃處分一日事務俾無缺
無濫少時精女紅後以目力漸遜罷刺繡然縫紉補綴終歲不
歇燈下時聞剪聲琅琅家居布衣不御綺縠至今應客細輒衣

飾猶嫁時物也自癸酉秋吾父在吳門棄養余扶匭攜眷回湘
竭蹶營葬逋負如山中丞王公念先德延余主求忠講席脩脯
所入善節縮以供賓祀遇窘迫時輒質釵釧應之不令予知子
有不時之需立辦不少拂余意家人內外三十餘人尺布寸絲
罔不稱量如意十數年來心血瘁而鬢髮白矣勤卹戚鄰惠周
臧獲歿後親申婢媪來弔者咸痛哭思慕不置心地坦易無城
府事或拂意曾不畱滯於懷顧因境遇之艱死喪之戚頻年傷
感無復往時意興早歲苦痰疾作止不常四十歲後乃愈而體
氣轉強健耐勞幼時閨中迎紫姑神謂本是蓬萊仙子因事小
謫人間三十六年屆時當在義眉山相待逮咸豐甲寅適隨侍
在蜀余竊憂之卒不驗或以陰陽延壽爲解其信然與居湘旣
久溼氣侵尋近年始覺足力蹇滯然操作未嘗少休本年二月

偶吐血服藥少愈而胃納乃大減漸至粒米不入口神疲氣乏
胸膈不舒六月後氣力益弱語音微細余素耳閉至是更不聞
聲三四月來除每日問疾不能多言七月初病益雜醫更十餘
人藥投百數十劑卒不獲救可傷也夫以光緒九年癸未七月
初八日巳時告終距生於嘉慶二十四年八月十六日子時得
年六十有五烏乎余與恭人四十六年伉儷之篤乃竟舍我而
去耶初生子開曾萬曾敘曾女蔭姑皆不育繼生維樸維楹維
棣維榮側室生子維標維榦維植鞠曾女寅姑孫三魁孺崇孺
綸孺孫女五維樸丁卯副貢官內閣中書維楹附貢生署福建
漳平長泰縣知縣維棣癸酉舉人大挑二等署瀏陽縣教諭諸
子既多成立方圖進取爲祿養計而恭人不及待矣茲以十月
初七日寅時卜葬恭人於善化八都泉衝盤獅坡寅首申趾背

城面麓湘水環抱距吾父石人衝葬處五里吾母石龍衝葬處二十餘里青山白雲望猶咫尺余囑兒輩治壙畱一席地余將與恭人同穴長侍吾父吾母於地下恭人有知其亦含笑稱慰也乎

元配李恭人壙志

恭人李氏諱楣字月裳亦字桂生湘陰宮太保兩江總督文恭公長女生於文恭未第以前時家貧親老文恭公授徒以爲養逮道光癸巳授館職迎眷入都恭人始隨外姑郭夫人北上是年冬許字於余戊戌秋迎娶入門選事大父文安公大母廖夫人吾父資政公吾母陶夫人恪恭愉婉善承重闈歡吾母夙有胃疾兼手患風痺運動不便大母晚年下階傷足不良於行恭人左右護持察詞色揣意旨輒愜所願大母鍾愛尤篤彌留時

執恭人手獎其賢孝
未就恭人已脫稿吾
性開豁識大義事無
言人多服其明決隨
益多而深自斂抑處
弟戚屬時相過從每
暢適乃以次三兩媳
近復失明事多不順
賴恭人拮据屏當以
僕嫗有恩使婢當嫁
力細必設法以應故
接物務存寬恕誠天

嫗成立者四長維樸次維楮次維棣或與科名或入仕途遠別
輒數年惟勛以守身立志各圖進取不作尋常思子情態撫側
室所生子女量衣授食視同一體孫男女衣襦繡祿手自剪裁
縫紉子婦輩習女紅配色選樣指示不憚煩歲時親賓饋遺及
慶弔酬應封題緘篋必端正緻密不肯率意余性褊遇事易留
滯於胸恆勸以從大處想心寬則體舒此語蓋常聞之也少時
桂弱善病于歸後痰疾閒歲必發四十歲後漸痊體氣亦漸健
勿藥者二十年近年感受溼氣時苦足腫步履艱遲然眠食無
恙今年春仲忽咯血藥之旋愈而脾胃頓衰竟日不思食漸至
胸滿腰膂作脹醫者謂氣血兩耗關鬲不通逐日服藥無不受
而疾終不減六月後神氣日餒語音微細粒米不進竟於七月
八日巳時長逝嗚乎天道茫茫如蒸人秉德之全型家之善宜

與余白首相莊依依偕老胡竟中道分離一朝千古耶距生於
嘉慶二十四年己卯八月十六日子時得年六十有五子維樸
維楮維棣維檠維樛維榦維植鞠曾維樛以下側室出女一亦
側室出孫男魁孺崇孺綸孺孫女五卽以其年十月初七日寅
時卜葬於南門外善化八都泉衝內盤獅坡莊山之陽寅首申
趾山迴水互形勢拱揖地氣溫而土質潤庶可藏體魄而永保
吉康朱子云初葬亡室存東畔一位以待合窆余今命兒輩治
壙亦仿斯意將與恭人生死相依也嗚乎杖期生何慶涵志

眠琴閣遺文終

眠琴閣遺詩卷一

道州 何慶涵 伯源

題鄭板橋蘭竹

我家遠住湘山下蘭蕙葳蕤生滿野臨江斑竹更干叢煙波掩映無冬夏鄭君此畫最得神水墨清奇任心寫蘭有秀兮竹有筠雙管齊揮絕瀟灑懸之高堂素壁閒正值月明珠露瀉庭前佳植競森森對影何從辨真假南翁之後誰比倫與可之繼當時寡君合二子爲一手令我珍置不忍舍竟思滌筆冰甌雪盃中摹仿雲箋希作者

寓園

用陶淵明移居二首韻並序

壬寅春小住金陵釣魚臺寓園水石之幽觸目成趣花竹環映當春正蕃課餘每侍重闈游賞其際天倫樂事

旅況俱忘矣

昂藏七尺軀何處非安宅薄言江南游歡侍無朝夕重闔加餐
飯服勞乃吾役客中忘清貧天地皆枕席時復讀我書抗懷在
古昔清福傲神仙外人難與析
遲遲當春日怡悅酒與詩名園有綠水花木掩映之怪石疊如
峯對竹鶴來思高樓與曲榭選勝無閒時披衣坐樹根念釋每
在茲泉石非素志聊避俗塵欺

放鶴

我昔浙游兩度春孤山秀立西湖濱放鶴亭前萬梅樹猶憶當
年放鶴人想見雙雙入雲表羽衣元裳出風塵偕鸞翔兮與鳳
翥嶷然仙骨在其身有時清唳一聲徹天雞遙應萬山晨有時
客至往覓主傳報如有知幾神吁嗟乎昔日逋翁今安在空餘

香雪迷芳津料將緱山頂

聞黃河合龍志喜

洪流皓旰入梁城績著宣

告愜

皇情艱鮮食奏民生裕奠

儒作頌慶河清

雷雨稍解春熱然未

壺中日方長旱温苦春晝

懷漸覺涼意逗溝澮水汨

未透潤物豈無功深膏宜

本非奢天工無私覆

題周忠介公畫竹石

人生何以稱奇士砥節立名壽青史公生瑰異其質剛立朝正直無餘子書法森嚴詩律細當時已貴白門紙手筆未聞著畫工今日珍置絕驚喜修竹蒼厚森兩枝生氣遠出歎觀止旁茁新筍亦岐嶷下疊奇石如跛跛偶然揮灑皆矩規自寫胸懷得神理公自釋褐歷朝班丰骨巖巖獨峻峙數年解組賦歸田結屋讀書蓼州裏豈知忠良不獲報與世齟齬被訾毀晚節後凋不易心稜稜直與竹相似士各有志貴自立何事浮雲在青紫公平公平二百年前遺墨痕令我攀追自興起

清明愴懷祖墓

一別音容已渺茫愴懷三度閱春光浮身無限悲寒食掃墓空教憶故鄉麥飯未由陳薄祭柳絲偏爲結愁腸酸心強抑千行淚仰事重慈尙健強